

Stáhtaráđi ása hus

**guollebivddus Deanu čázádagas dahkkon soahpamuša 7 artihkkala 3 čuoggás oaivvilduvvon
spiehkastatlaš mearrádusaid fápmuiboahtimii ása huvvon mearreáiggi guhkideamis
notáhtaid lonohallamiin dahkkon soahpamušas**

Stáhtaráđi mearrádusa mielde ása huvvo:

1 §

Norggain notáhtaid lonohallamiin Oslos 29 beaivve njukčamánu 2021 dahkkon soahpamuš guollebivddus Deanu čázádagas Suoma dásseválddi ráđdehusa ja Norgga gonagasriikka ráđdehusa gaskkas dahkkon soahpamuša (SopS 41 ja 42/2017 7 artihkkala 3 čuoggás oaivvilduvvon spiehkastatlaš mearrádusaid fápmuiboahtimii ása huvvon mearreáiggi guhkideamis, lea fámus 29 beaivvis njukčamánu 2021 dego das lea sohppojuvvon.

2 §

Soahpamuša mearrádusat leat ása hussan fámus.

3 §

Dát ása hus boahdá fápmui 1 beaivve cuoŋománu 2021.

Helssegis 31 beaivve njukčamánu 2021

Eana- ja meahccedoalloministtar Jari Leppä

Ráđđádalli virgealmmái Tapio Hakaste

LIITE 3

(nootin pohjoissaamenkielinen käännös)

NOTÁHTAID LONOHALLAN**1. Suoma dásseválddi Oslos lean ambassáda notáhta Norgga gonagasriikka olgoministeriijai**

Suoma dásseválddi ambassáda evttoha dearvvahusas Norgga gonagasriikka olgoministeriijai, ja ambassádas lea gudni čujuhit guollebivddus Deanu čázadagas Suoma ja Norgga gaskkas 30 beaivve čakčamánu 2016 dahkkon soahpamuššii (soahpamuš) ja oassebeliid čadahan ságastallamiidda soahpamuša 7 artihkkala 3 čuoggás oaivvilduvvon mearreáiggi guhkideapmái spiehkastatlaččat jagi 2021.

Suoma dásseválddi ráđđehusas lea gudni evttohit, ahte soahpamuša 7 artihkkala 3 čuoggás oaivvilduvvon mearreáiggi guolástannjuolggadusas spiehkaseaddji mearrádusaid fápmui boahtimii guhkiduvvo 1 beaivái miessemánu 2021.

Jus Norgga gonagasriikka ráđđehus dohkkeha ovdalis ovdanbuktojuvvon evttohusa, Suoma dásseválddi ambassádas lea gudni evttohit, ahte dát notáhta ja Norgga gonagasriikka olgoministeriija vástádusnotáhta dahket ráđđehusaideamet gaskasaš soahpamuša, mii bohtá fápmui ministeriija vástádusa beaivemearis.

Suoma ambassáda ávkástallá dán dilálašvuoda ođasmahttit Norgga gonagasriikka olgoministeriijai alimus gudnejahttimis dáhkádusa.

Oslo, 26 beaivve njukčamánu 2021

2. Norgga gonagasriikka olgoministeriija notáhta Suoma dásseválddi Oslos lean ambassádii

Norgga gonagasriikka olgoministeriija evttoha dearvvahusas Suoma dásseválddi ambassádii ja das lea gudni čujuhit ambassáda 26 beaivve njukčamánu 2021 beaiváduvvon notáhtii PF0Y6E6C-17, mas evttohat guollebivddus Deanu čázadagas Suoma ja Norgga gaskkas 30 beaivve čakčamánu 2016 dahkkon soahpamuša 7 artihkkala 3 čuoggás oaivvilduvvon mearreáiggi guhkideapmái jagi 2021 bokte miessemánu 1 beaivái jagi 2021.

Norgga gonagasriikka olgoministeriijas lea gudni almmuhit Suoma dásseválddi ambassádii ahte Norgga ráđđehus dohkkeha ovdalis evttohuvvon ášši ja ahte ambassáda notáhta ja dát vástádus-notáhta dahket ráđdehusaideamet gaskasaš soahpamuša, mii boahtá fápmui otne.

Norgga gonagasriikka olgoministeriija ávkástallá dán dilálašvuoda ođasmahttit Suoma ambassáda alimus gudnejahttimis dáhkádusa.

Oslos 29 beaivve njukčamánu 2021